



Regd.No.19134/88 <http://www.kbc.org.in> NAI/220/99
No-G-4/Regd.Magazine/KBCThuso/MNP-81

KBC THUSO

Kum 54 Ihinna

Lhaging/July 2017

50459

DAMTHEINA



august EVENTS

KCH DAY - 20
YOUTH EMPLOYEE DAY - 27

"Kapa theng, eini pumkhat ihi bang a amaho jong
pumkhat ahitheina ding un, Nangman amahohi hong in"

John. 17:11



**KBC ONE DAY SEMINAR
Programme**
New Lambulane, Centre Church, 20 June 2017



Head office
opp. DM College
Imphal



www.kbc.org.in



kbcindia@rediffmail.com
mail@kbc.org.in



**FIVE Days Training of Trainers,
26th to 30th June 2017, Janakpuri, New Delhi**
Dev. Co-ordinator Pastor Henkholen Kipgen leh Men Secretary
Rev. Kamboi Chongloi agapang Ihon e.

CONTENTS

THUMAKAI HO

1. Editorial/Christian Natch	1
2. Gamasa Kut /Rev. Henjalen Doungel	4
3. Pathen Lhacha Khat/Rev. Letpu Kipgen	6
4. Mission Column	8
5. Men Column	10
6. Women Column	11
7. Youth Column	12
8. Literature Column	13
9. Education Column	14
10. Development Column	16
11. Report/Hetsah	18-27

EDITORIAL BOARD

<i>Chairman</i>	: Rev. Dr. Hawngam Haokip, President KBC
<i>Editor</i>	: Rev. Ngamjapao Haokip, General Secretary
<i>Joint Editor</i>	: Rev. Henjalen Doungel
<i>Contributing Editors</i>	: 1. Rev. Letpu Kipgen 2. Rev. Onthang Haokip 3. Rev. Kaikhokam Chongloi 4. Pastor Paokhohao Haokip 5. Pastor Satminlen Khongsai
<i>Cir. Manager</i>	: Ms. Lhingjanem Haokip
<i>Design & Layout</i>	: Hemkholen Haokip

THUSO LAHMAN

Church/Organisation/ DepartmentRs. 300/-
IndividualRs. 200/- (Post a Rs. 250/-)

Indian Overseas Bank, Imphal Branch
A/c No. 073201000000350 IFSC No. IOBA0000732

The General Secretary,
Kuki Baptist Convention,
Opp. DM College, Imphal 795001, Manipur
email: kbcindia@rediffmail.com

Advertisement bolnom hon Mobile No. 9612817768 Contact thei.
Circulation to kisai lam Mobile No. 9862633173 bol ding.



Christian Natoh

Editorial

Text: Mathew 9:37

Thumakai:

Christa tahsan'a huhhing na chang jouse le Christa thupeh jui ho jouse chu Christian kiti ahin, Christa thupeh ngailou, ama deidan dana hinkho manga Pathen thupha toh kitoh louhela hinkho mang michu Christian dihtah kiti thei lou ding ahi. Tunin mitamtah Christian in ikiseiyun hinlah ichon, ikhan, ithil bolle inatoh'u Christa thupha toh kitoh lou helin hinkho imang gam taovin ahi. Christian khat ihi a ahileh inatoh ding chu ipi ham? Toh ding le bolding tampi Christian te din umjeng jong le tunin phabep veohite:

1. Athupeh Juiding, Lhagao mangthai ding lainat na neipuma Pathen na toh ding ahi. (Mt. 9:36)

Pathen thupeh jui kiti hi Christian te kihet chet nakhat ahi. Pathen thupeh juinom louva eima dei lam panga hinkho manga mi akitam val tah jehin Houbung sunga jong kinah kibou nale lhagao lampia lhah samna aki neigam tan, hijeh a hi tunia Houbung tampi khangtou thei talou chule kido doh jou louva hinkho kimang gam ahitai. Mathew 28: 18-19 sung chu ivet le Jesun seijui te chu thupeh lenpen (Great command-

ment) ana pen hiche thupeh chu seijui ten ana jui un ahile nasa tah in kikkel na ana umin hiti chun houbung tampi machal nale khantou na ana umin ahi. Seijui ho jeng jong chun ama in chen le louchen ding ima kisah bouina neilou helin Pathen thupeh ana juicheh'un, ahin kho'u jeng jong Pathena dingin ana pedoh cheh un ahi. Pakai Jesu Christa jong chun leiset na anal en laijin mihem ho chu achingbei kelngoi hon banga ava mangu chu ana mun alung ase lkeh jengin ahi. Mihem te lhagao mangthai ding lainat na anei jallin aman jong lhagao mangthai ho huhdoh nadingin ahin'a ana pen, tunin nangle keyin huhhingna loupitah chu inei thei taovin ahi. Tunia eihon huhhingna inei uhi Pathenin amangthah ding lainat na aneija kon ahin, ahileh tunia nangle keyin huhhingna inei uhi iki moh chai sah jeng diu hitam? Pathenin vang athupeh jouse jui bukima lhagao mangthai ding lainat na nei puma natong dingin eidei'uve. Christian khat, chule Pathen cha kahi ti jousen amasa pentah a abol ding chu ipi ham iti le Pathen thupeh ajuj ding chu ahipe'e. Ipi lampia athupeh ijuj thei diu ham itile kipana thupha seiphong na a panlah ding chule lhagao mangthai ding lainatna neipuma Pathen na toh ding ahipe'e. Lhagao mang ding lainat na neilou nahile nana toh naleh na ministry jousea machal na nanei thei lou hel ding ahi. Jesun lhagao mangthai ding lainat na neiya kipana thupha aseiphong jallin lolhina aneyin, Seijui jousen jong lhagao mangthai ding lainatna anei jallin ana toh naova lolhinna aneyin, Houbung masa upa ho jeng jong chun lhagao mang ding lainat na aneyin ahin kho geijin ana kiphah theng'un lolhinna nasatah ana nei uvin ahi.

2. Leiset gouthil ho ngailut na neilou ding, kiphah theng tah a Pathen na toh ding ahi. (Lk. 18: 22) Kidang tah le datmo umtah khat chu ipi ham itile Pathenin seijuite anung jui dia ana kou chun khat cha jengin jong ka insung abouiyin kaji kacha ave ding aumpoi tin ana donbut pouvin ahi. Amahon tahsan jal chun akoupao nung chu ajuj jengun

ahi. Bible munkhat cha jengin jong seijuite chu a insung mite din alung dongun ahilou le agenthei lleh jeng uve ti akimudoh aumpon ahi. Luke bung 18 :22 sunga kimu chu ipi ham itile khangdong mihaopa thusim hi ahin, dan(law) hihen seingai na hijongle bulhingset na jui bukim mi ahin Jesun anei agou jouse mivaicha genthei ahop peh a chuteng anung jui dia asej chun alung phamon azam mang tan ahi. Pathen thu hetah le umchan najong themtah nahi maithei ahi, ahivangin kiphaltheng tah a Pathenna natoh ding chu Pathenin adei ahi. Tunin Bible them tah tah, thusei them tah tah ilah uva atamin ipi dia Houbung khang tou thei lou hitam? Mi tampin Pathen natoh najong inchen semnan amang gam tan, minthan nading hol nale nopsah nading gel na a Pathen nungjui mi atam tah jehin Pathen na itoh nao hi ama chal thei tapon ahi. Eima inchen khantou nan ineiyun Houbung vang ama chal thei tapoi. Houbung thusim ivet le Houbung miho chun Pathen thu seiphong nadin pan alaovin, sumle pai neile gouvin hongphal tahn akiphal un Pathen na ana tong uve. Ipi jeh a Leiset gouthil hi ngailut lou ding itiu ham? Pathen lekhabu theng tahsan na dihtah nei mi chun hiche leiset hi kholjina gam mai mai ahidan ahethet chet ding tahsan ahi. Leiset thil jouse hi amang ding ngen ahi jeh in Van'a mang thei lou gou khol nading joh a gou ikhol diu hi Pathenin eidei sah u ahi. Hinlah Pathen tahsan na dihtah nei lou mile Pathen thu a kikhoulou mi dia hiche hi thil hahsa tah ahi.

Thuchaina:

Tunin tahsan chate jousen Pathen natoh nadingin mopoh na lentah inei cheh uve. Christian dihtah nahi a ahile Pathen thupeh najuiya lhagao mangthai ding lainat na hinkho nanei angaiye. Leiset gouthil a lunglut nahi le vangam ngaina nanei thei lou ding ahi. Hongphal tah le kiphaltheng tah a Pathen na natoh ding hi Pathen nin adeiye. Pathen nadia nakiphaltheng na chu nikhat le nangdia tohga sona ahi ding sumil louvin leiset hinkho chom cha nanei sung hin Pathen na dingin nabol thei pen pen chu boldin kipan doh jeng tan kish lou hel ding nahi! Pathen in asim jousea dingin phat thei iboh peh taohen, Amen.

GAMASA KUT/ANTHAHLOP LE CHRISTIAN TE HINKHO

(Lev.23:10)

Rev. Henjalen Doungel
Mission Secretary KBC

SERMON

Introduction:- Isreal te chonna dan dungjuija Kalchuh kut jou joule cholsolou changlhah bou nea kut ni 7 sung kimang ji ahin hiche nikho sunga hi chol jaona ann aneh jilou u ahi.

Hiche nikho hi Isreal te Egypt gama asoh channaov va kon kino taha ahung pot doh uva achangbong u bilmin minlou leova gamtep gam Canaan gam jona ahung kitoldoh u hetjing na a kibol kut ahi. Hiche kut sunga hi Sabbath nikho umtei ji ahin hiche nijou hile "Ihosoh ga masa maicham phunga ahinchoi lut cheh jiu ahi".Hiche nikho hi Ga masa kut tia anahet jiu ahi.

Tunin hiche nikho hi eihon jong honsoh ga Pakai maicham phunga hinchoi khomnale nekhom nan imang jiuve.Hichu kumsunga kihinso na natoh a kalolhingin, chule mabana jong Pathen in eipejing nan te ti photchet na honsohga maicham luidoh ni hi ahi.

Christa chu ga masa ahung hitai,Nithum nin thikit talou din thina gal jouvin athodoh in hichu nimasa ni nitheng ni ahi. Muchi leinoija athia chule gamtamtah sodinga niphabep joule ahunghindoh kit hin Christa thodoh le gaso ahi avetsah ahi. Ama thodoh nichun lhanho akihongin mitheng te kaithou vin aumin hichu ga masa loupina ahung hipan tai.

James 1:18 (Athilsem holah a


eihohi aga masa loikhat ihithei nading u va, aman ama lunggot doltah a thutah achu eihin u ahi)Eiho thokitna hi khonung a hunglung dinga thutep guilhunna hiding ahi.Hetdinga phachu gamasa Kut hi achesa a Pakai kitah nale aphant naho phondoh na kimang keo hilouvin ahunglung ding phat a Pathen in ipi ahinbol ding ham ti hetchetna jong ahi.Kalchuhkut nia kitoh thilto chu nolnabei Kelngoinou ahi.

Jesu Christa hi hiche longlhen thengtah kelngoinou chu ahi. Ama thina galjouva athodohnin lhankot ho akihong in, mith-

engte kaithouvin aum un ahi.Matt,27:13 Amahochu Christa thok-
itna gamasa ahitaove.

Hijehchun Isrealten gamasa Kut nia louga maicham phunga
apohlut jiuva Pathen phatna jalla nam pumpin anneh,tuidon vat-
louva aneiu vetsahna a anabol u Kut chu tuni eiho khanga Chris-
tian ten Christa thina galjouva loupi taha athodoh le eiho tahsan
chate sejong Christa banga itho kit diu vetsah na nikho a kimang
Anthahlop chu ahung hijing tai.Chule hiche kut hi Christa thokit
na toh kisai ja kimang ahitah jalla Isreal te Kut poimo dang tampi
mang lou va eiho Christian ten hiche Gamasa kut/Anthahlop hi
kumseh a thonlou va ihin man jing u ahi.Pathen in asimjouse phat-
thei boh jing tachen.

LEKHABU THAH



ESCHATOLOGY tia kimin vo lekhabu Rev. S. Prem Vaiphei President AMCO in ajih,Rev Dr Hawingam Haokip President KBC in forward abola Rev. Ngamjapao Haokip General secretary in Seiphat na lekha ajih khonung a hung lhung ding thua Christiante tahsan danho kiseichetna Pathen thu lekhabu chu KBC Book Room Rs 50 peha a muthei ahitai. Houbung lamkai ho dia Pathen thu hetna kithopi phatah hiding ahi. Angai-cha chanin kichoh u hite.

PATHEN LHACHA KHAT HINA' A NEIDINGA PHA:

*Rev. Letpu Kipgen
Finance Secretary, KBC*

S E R M O N

I Tim. 3:1-7; Titus 1:5-9; I Tim.3:8-13.

Introduction:

Tulaijin Pathen natong iti tengule mitampin Pastorho, ahiloule Missionary, Evangelist ho bouvin akigel lin ahi. Tunia isei nom'u le idoipenu chu ahile Houbung sung ahilou le Association sunga dinga mopohna kipeho hi iti achon/aumu leh mipi le Pathen kipana ahi thei dem ? ti thu igel khom dinguvun anoija hin achom lamin point phabep kahin tah langnge.

1. Houlhacha khat in anei dinga pha chu ahileh Pathen kouna chang (Divine calling) Acts 13:2 in asehi hi ahi angaije. Tulaija Pathen natong hohi dihtah'a Pathen kouna changah alhom tan ahi. Ajeh chu ama ahethna le ahethna (degree) ho jeh in kigel lhahna in Pathenna atongun ahi. Pathenin dihtah a anatong dingin eikouve tia kipeh lhahna beija Pathenna tong dinga kigong hohi atohna lamah Pathenin amangcha jipoi. Masang langa Jesu Christa nungjui ho chun, Pakai Jesu van'a akaltou nungin thil kidang tampi abollun Pathen thu hangsan tah in alhangsam un ahi.

Thempu hole Pharises ho jengin jong ana datmo lhez jengun ahi. Ajeh chu amaho chu thepna neilou ahiu chu aheth'u ahi. Tulaijin Pathen kouna ahiloule solna chang louva Houbung sung le Association sunga natong hohi atamjo Pathen lunglhaina le mipi lunglhaina achunguvah aum thei poi. Pathen natoh ding iti tengle Pathenin dihtah a einganse le eikou hinam tihi kikhol masat angaije.

2. Pathen lhacha ding khat chu tahsa le Lhagaova Pilhing ahi angaije (Lhagao theng dimset) Houbung hihen hoilai mun hijongle

Pathen natong khat chu (Mature Christian) pilhing Christian ahi angaije. Pathen natoh hi thanop manna moh toh thei ahipoi. Lhagao theng umpi chang ahi angaije. Tulai Houbung tampi hi Lhagao theng mapuina hilouva amaho chihna le thepna'a kivaihom atam tah jeh in boina le kibung khenna ho tampi aumtai.

3. Pathen natong ding khat chu Lunggel them le miho hindan hethem ahi angaije. Tahsa lam le lhagao lam chihna le hetkhen themna anei loule, mipi hotoh (kelngoi) kikah a kingailutna le kilungsetna alhasam thei ahi/lhasam ding ahi. Houbung miho le gamsung miho hindan hethem mi ahi angaije.

4. Pathen lhacha khat chu sihnei langnei, mikhen tumna (impartial person) neilou ahi angaije. Pathen lhacha khat chun akelngoite/ahoubung mite chun angaichatnao ipi ham ti jong ahet them peh angaijin, akithopi angaije. Houbung mite hin dammo veisetna, hahsatna anei tenguleh Pakai lhacha pun eitaopeh leh tihi angaichat'u ahi - aheththem jing angaije. Hou le vai, khentum aneilou ding chule maipha vetna beija Pakai lhacha na atoh angaije.

5. Pathen lhacha khat chun

THOH HATNA anei angaije. Jacob lekhabu in hitin aseije loulhou pan atohga amuto kah in athoh hat jie atibangin Pakai lhacha khat chun thoh hat tah a ahoubung mite chungga pan alah jing angaije. Christian Ministries a dingin thoh hat louvin galjona le tohga sodohna ima aumpoi.

6. Pathen lhacha khat chu mijouse "VETJUI" thei ahi angaije (I Pet.5:3) Pathen lhacha khat chun asinsung mite le midang te vetjui theija aum jing angaijin, adeh in atahsan louho in, atahsan na le akitahna chule ahindan le achondan teho akomupeh angaije. Tulaijin mi abang khat chu Pakai lhachate ho hi jana le ngailutna sangin kichatna aneijo taovin aphanamo lleh jengin ahi.

Conclusion:-

Chungga ihin seihou jousea hi Pakai lhacha te le (kelngoite) houbung mipite ho akitho khomto/apankhom angaijin Lhachapu le houbung hi tahsa lam le Lhagao lama pan alah khom jing lhon angaije. Christian te hi Pathen kouna chang, Lhagaova pilhng, chondan hindan heththem angaijin sihnei, langnei neilou ding, thohhatna le mijouse vetjui theija hinkho man angaije. Pathenin asim jouse phatthei boh taken.

Mission Column

Mission Share pehdan

Christa jalla chan kaneikhompi Houbung lamkai hojouse amasan nabon un kangailutna salam kahinbolle.

Kumsung Mission natoh nadia sumle paija pan ilahdan ho akiven ahileh lunglut tah le tomngai tah a Houbung pan hinla hi atampoi,Gambih sung Houbung hon,changvalla Houbung level a itoh houhi eiman ideiphatphat a tohthei ahin kum tohgon anikho le aphot kitep masa ngal ahilouleh phante tiphata toh thei ahi.Ahin Convention Mission natoh nahi ideiphat ti aumthei tapon lhaseh a amasa anukhah ding kivetoh a kitong ahita.Lhasung a toh le tham bichin tah in aum tan chuleh Missionary Evangelist hojouse lhalo lhaseha kipe ahijeh in lhasung a Houbung hon office a ahinthah lut diova kigong bituh chu lhakhat/lhani ahung kithahlut louteng kivaihomna chepijou louvin akiumjitai.Lhalo vaigei tah a Missionary le Evangelist ho pehjing kitih Convention pumpi adia jachat um chuleh lhahsamna kihetna khat ahi jeh in akidei pon ,aphat phat cha lhalo kitup taha peh ding tih Mission office lungtup lenpen khat ahi.

Tunichan hin Gambih Houbung ho hapan nahi akingah jing in alha lha a bituh kisemhi Houbung jousen gelkhoh cheh thei leohen Convention Mission natoh machal in tin chuleh eiho tohjong Local level a tohmo hideh louding ahi.Hijeh chun tumban a jong lungkhat tyhakhat tah in KBC Mission natoh hi keihoubung natoh ahi ti hi sumil louvin office langhi amasan priority hinpe cheh leohen ti hi deisah na lentah akinei je.

GAMLEISET PATHEN NATOH NADIA
HINPE HO CHUNGA

KIPA THUSEINA.

Kipa umtah khatchu gamsung Haosa Pathen gelkhoh phabep in gamleiset Convention Mission Board einapeo vin ahi.Convention sumle pai lhahsam jeh in ahinading bang in manchah theijin kisem joughih jong leohen,kiphal thengtah a Pakai jadia gamleiset hintoh doh ho chungga Kipa na sang pen kahin phonge.Tua llah

eikipe gamleiset hi amantam natoh lhonna phate cha a manchah theija neiteiding tih Mission Board tohgon ahi.
Seitheija gamleiset KBC Mission natohna a hinpe ho chu:

1. Elijah Taona Moul - Gothol Haosapu
2. Farm lei thing kiphut dim – Gothol Haosapu
3. Farm Lei Gelthing le Gangpi thing kihoi-L.Chajang Haosapu
4. Nepali Mission Centre –Leplen Haosapu
5. Nepali Mission Centre -Chakpi Molbem Haosapu

Hiche gamleiset hohi tunichan in Mission in akigelkhohin Elijah taona moul a taona Inn akisan, Taona moul le Tonglhang kikah a Farm a thingkeh akitu dimset in ahi.

L.Chajang gamleiset a gangpi le gelthing akihoijin aphot phat a kichen a kijohji ahi.

Leplen Nepali Nepali Mission Centre 2016 in akisa chajjin tuhin Evan, Kamal le a family aum uve.

Chakpi Molbem Nepali Mission centre a Evan, Prem Thapa le a in-sungmi apansan, Mission na hi akitong jing e.

Hitabanga Pathen a dinga gamleiset hongphal taha hintoh doh haosaho chung ah avellin kipathu akiseijin, apehdoh u gamleiset hi Pathen phatthei channa hijing din taonan geldoh jingo hite. Pathen in ahongphal naojallin phatthei boh jing taohen.

Chakpi Molbem Field Visit

Tuni nisim 26 June 2017 nin KBC Mission Board in Chakpi Molbem Mission centre vilna agakineijin ahi. Achesa kuma Pu Thongkholet Haokip khotol Inpipun Mission natoh gelkhoh najeh a agam leiset 114x170 hi Houin sahnadin anapedoh in ahi.

Hiche Houin mun hi vetlhahna aga kineijin Gambih Pastor Rev, Tonglal Haokip le Gambih Chairman, Secretary chuleh amun Houbung lamkai ho pannan KBC mission Board to toukhom na akineijin, Inpipun itlouhel a agam leiset ahinpeh dohtah leh gambih le Mission office kithoa khovei 2018 a hi houin sah pata

June kaha thenso aHITEI nadin lunggel akinei khomin ahi. Hiche tohgon hi gambih in kum tohgon khat a ahinnei din jong temna akinei jin ahi.

Gamleiset hongphal taha Pakai natoh nadia hintoh doh Chakpi Molbem haosa pun ahung kikhom Gambih le Convention lamkai ho Annekhom pina jong einei peh un achunga kipa thu sangtah kahin phonge.

Hitabang a Mission natoh gelkhoh Haosa ineijeh un Pathen thangvahna ipeovin chule Gambih lamkai hon jong Pathen natoh nadia mission igelkhoh uva tomngai taha pan ahin lahnao chung a kipa thu akisei je.

MEN COLUMN

PATE NIKHO

Kipa Thuphon

Pathen lungset najallin June 18 nikho hi Pate nikho in houbung tina ina mang khom soh kei uvin Pate nikho loupitah eimusah uva Pathen chu thangvah in um taken. Adeh in Pate jouse tukum pate nikho iman utoh kilhonin kilungkhat na le kipum khatna Pathenin eipe taohen. Tukum hi Men Department in tohgon le thilgon tampi inei uvin thilgon ho alo lhin thei nadingin pate jousen mopoh na lentah inei cheh uve ti sumil louva pontho tah a pan lajing dingin Pakai minin iki tiem uv e. Khovei Pate nikho imu kit kah seovin Pate jouse Pathenin ei umpi cheh taohen. Pathenin Men Department Phatthei boh jing taken!

Rev. Kamboi Chongloi,
Men Secretary. KBC.

WOMEN COLUMN

ONE DAY
**KBC WOMEN LEADER'S
 MEET**
 Programme

28th July, 2017, at KBC Chapel Hall (13 : 00 am - 02 : 00 pm)

Chief Guest : Pi Nengboi Haokip
 w/o Pu Letpao Minister, IFCD
 Guest of Honour : Pi Hatlhing Doungel ADC
 Functional President : Pi Vavah Haokip ADC
 Special Guest : Former President ho

Leader : Pi Hatneilam Vice President.
 Programme lhandoh : Rev. Ngamjapao Haokip, Gen, Secy, KBC
 Lemna thusei : Hekim Khongsai, Women President.
 Special Nos. : Pi Hechin Haokip
 : Pi Lynda Haokip
 : Pi Nenem Haokip

Kipa Thuseina : Women Secretary, KBC
 Kikhen na tao mipi : achai ding

MIPI AN-NEH KHOM PHAT

Hetsah:

Chunga hung kipe nikho le phat a hi Gambih 1-20 sunga Gambih Women Work Committee mi 5 ho hung pangcheh dingin hetsah na ahung kineije. Chule Gambih lamkai hon Office langa peh dinga lom ho nahin poh cheh diuin jong hetsah ahi. Programme kigong ho lolhin theina dingin taonan geldoh cheh ute.

Pakai lhacha,
Lhingjanem Haokip
 Secretary, Women Dept, KBC

YOUTH EMPLOYEES DAY

AUGUST 27 2017 SUNDAY hi Youth Employees Day ahitoh lhon in muntin a Houbung miten jong ina hetthem uva ina mancheh diuva hetsahna le temna ikinei uve.

BYPF July

Taona Bidoiho

1. Gambih Jousea Youth tohgonho lolhin nading
2. Gambih Youth Exchange tour damma chaithei nading
3. KBC Khangthahho alohing ahung umjing thei nading
4. Bible Quest 2017 lolhin nading
5. Gambih jousea Choir member ho ding
6. Youth Employee's Day lolhinna ding
7. KBC Youth Secretary pa ding

Literature COLUMN

Literary Meet 2017

*Pr. Paokhohao (Haoneo) Haokip
Secretary, Literature and Publication, KBC*

**Organized by Literature & Publication Department
12th August, 2017 (2nd Saturday)
Centre Church, New Lambulane, Imphjal, KBC No 01**

Pakaiya ngailut um Houbung mite jouse le Pakai lengpi leiya tohk-hompi Gambih Pastor ho, gambih lamkai ho, houbung lamkai ho jouse, Sunday School jil-lai ho jouse le houbung mipi jouse, nabon-chauvin Pakaiya jana le ngailutna Salam kahinpeuve!

12th August, 2017 nikho a Convention Level Literary Meet ding chung changa hetsahna lekha thot le Postal ho inamusah tah diu tahsan aume. Hiche LITERARY MEET 2017 kiti hi KBC sunga Literature, adeh a Sunday School (Christian Education) lampanga khantou machalbe theina ding lam to kisaiya lungthim suhthouna le tilkhouna dinga hung kigong ahi. Hijeh chun, gambih pastor, gambih lamkai, houbung lamkai le jilkung ho jousen nahsah mona neilou hela, lung luttah a ina gondoh teidiuvin Pakai minin avelin temna ahung kinei kit e. Chuleh apang dinga lom jil-lai ho jouse jong thassetna le lung lut mona ho ipailah uva, pontho tah a pan lahchehdin Pakai minin ikitemuvin ahi.

Apang nom ten ten a pangthei louva lhaset lo mi aumlouna dingle ahithe chana Participation bulhingset a aumdoh theina dingin, iham tia gambih level a nahsah mo jeh hilouva iham khat jeh a organize bolmona hel gambih aum khah lom lom tah jongle, gambih sunga houbung ho laha kona athanom/apang theiding ho chu gambih pastor le gambih lamkai ho to kihettoa, gambih level a organize akibol tahlou lom jongle amaho chu Convention levela akibol tengle gambih mina pan ahung lah jeng theiyu ahi.

Hiche Literary Meet 2017 tohgon hi alohin teina dingin toh khompi gambih pastor ho, gambih lamkai ho, Sunday school Superintendent ho, jilkung ho le houbung lamkai ho kithopina (C-operation) sangpen ahung kithum jingin ahi. Hijeh chun khosahna le gelkhohna neitah a organize inabol tei tei diuvin Pakai minin avelin taona le temna ahung kinei kite e.

ONE DAY SUNDAY SCHOOL AWARENESS PROGRAMME

Achesa Dt. 2/6/2017 nikhon Convention Literature Publication Department lamkai ho adeh a Pastor Haoneo Haokip, Literature Secretary, Pu Tonghen Kipgen, Chairman, Convention Literature & Publication, Rev. (Dr.) Paul Paolen Haokip, Academic Dean (STS) leh Thomas, KBC Driver pannan Chahkap Houin-ah jingkah 10:30 am a pat 2 pm chan Resource Person ho a konin Gambih no. 12 Houbung mite leh Sunday School jilkung ho komah Sunday School phatchom dan leh athupi dan phatah a eihilna chunguva kipa thu seijou lou Convention Literature & Publication lamkai ho chungngah akiseijin mabana Pthen nin phat thei boh uhen lang mapui jing taohen. Kakipah e

Pakaiya natohkhompiu Mr. Lunkholal Haokip Secretary, KBC No 12

THE FIRST

VACATIONAL CHILDREN TRAINING

Achesa phat'a anakibolkhalou, Dr Colvin Academy, Moreh Students "THE FIRST VACATIONAL CHILDREN TRAINING" June 15–18, 2017 sung chun Moreh Baptist Church(KBC) ah akibol'in,



Pathen lungset jal'in boina umlouvin damsels'in lolhingtah in akichaitheita. Speaker ho: 1. Rev. Mangneo Haokip, YWM Missionary to Tripura, 2. Pastor Mangcha Tuboi (Pastor, KBC No.15), 3. Pastor Haopu Haokip, Principal, DCA ahiuvin; Resource Person'a pangho:- 1. Rev Onthang Hokip, Secy. Christian Education Board(KBC), 2. Rev. Hemkholun Haokip, Director GNS, 3. Dr Seilenkap Haokip, CEB member ahiuve. Dr Colvin Academy Teaching Staff hon kitup tah in Prog sungse'n Duty eipoh peh'un, achunguvah lunglhaina kipathu kahinphong e. Hiche Prog. lolhintheina dinga Pathen phat thei bohna chang ah Moreh khopi sungleh avel'a umho, amichanga ahin Kho ahilouleh Houbung ho'a kon in jong kithopina Sum le pai, thil le lo, tha le jong tapi akimu'n, achung cheh uvah kipathu sangtah in kahinphonge. Kithopina kimujat Sum(Cash) a Rs 93,500/- (Cheng Sang somkoletum toh janga), Anchang Bag-15 ahi. Pu Thangpao Misao, Hb Treasurer pu'n Prog. sungse'n kilhasamman louvin Pakai min a kipehna'n Twi Supply eibolpeh un, chule amin cheh kiphajou hih jong leh neh-thei, donthei leh anme angaicha chan hongphal tah'a eihintopeh hou jouse chung ah Christian Education Board leh DCA Staffs min in kipathu kahinphong in, Pathen in phatthei boh cheh taohen. Class VI–X Student ho agomin mi 186 vel ahung pangun, Chihna themna le chonchanpha thuhil ho chule Lhagaova kismethahna thuhil phatchom pina lentah

aneiju akihen, Prog. alolhing ma2 jengin Pathen thangvah in umjing taheh. Amun Houbung lamkai(Deacon Board) hon amun eiphalpeh nao ban ah Prog. achaichan geijin khohsahna lentah pum in ei oppeh jeh un achung uvah kipa thu kahinseijin, Pathen in phatthei bohna changjing taohen.

Rev Onthang Haokip
Secretary,
Christian Education Board(KBC)

REPORT LEH HETSAHNOM

Edn Board in Dr Colvin Academy, **Moreh vilna leh Kipa thuseina**

1. Achesa March lhasungin Edn Board in Dr Colvin Academy, Moreh vilna akineina ah gamsat jeh a Student hon boina atonao akigelkhoh peh in, hijeh chun Board member chengin Rs 2,000/- cheh pohdoh a Ceiling Fan 10 vel todoh peh ding lunggel akineijin, hichu School staff ho pon pan najal in suh bulhit in aumtheitai. Kiphalna hinnei ho chungah kipathu sangtah in akiphonge.

Scholarship chungchang **Hetsah**

Kumdanga kiboljingsa, Theological Final Year Student ho kithopina 'Scholarship' hi tukum a jong angaicha hon Apply ahinbolpan theiju ahitai. Apply bolding dan noiija-hin ahin kivetsah e:-

- i). Candidate pa Personal application
- ii). A'umna Houbung Recommendation (Hetpehna/ phatseina)
- iii). KBC in apomthei akaina/ajilna College a 2nd/ 3rd Yr Mark-sheet(Xerox copy)

Hicheng hi November 2017 sunga Edn. Secy. kom'a pehlut tei ngai ahi. Phat tep kal'a hinpe ho koima kisan peh talouding ahi. 2nd Division noilam ho vang akisang theipoi. KBC Houbung ho'a kon Theology simlai ho, ahil-

ou leh maban'a achenom ho Edn Board in kahin kipapi l'heh jenguve. Houbung lamkaite, Theology sim'a vai-kondoh ho leh a'In-kote ho geldohsah nom chu; Tulai hin Bible School/College ataml'heh tan, eiho tahsan le chepi Doctrine toh kitohlou thuhil kijilna ho ikholt'oh masah jidiuvin ikitem un ahi. Houbung kivaihomna a thuhil tahsan pomdan Kibahlouna hi akhoh pen ahi. Vaichat hahsat gentheiman jen seh'a Free a kaina thei ngaito loi jong aki umdapoi. Hinlah khonung leh hiche akon'a boina lentah soh thei ahi, ti gl'doh jing angaijin ahi. Hinkho Pathen Na tohna dia kipehdohna din Bible jil ngaitei ahin, jilna neilou hon Tahsan chate kiloik-homna Houbung sunga lamkai khat hitei got jong mipi boina ahinomin, hijeh chun ajilnom ho kipehthengna nei'ja Commitment kicheh tah pum'a Pathen Na tong dinga ikigot ngal u ahitah leh Jilna mun eiho'n ip-omtheiju (College) ho bou ikhohsah diuvin Pakai min in ikitemnom'un ahi.

DEVELOPMENT COLUMN

FIVE Days Training of Trainers, 26th to 30th June 2017,

Organise & Sponsored by EFICOR.

Pathen puihoi najal'in " Five days Training of Trainers" EFICOR Headquarter, Janakpuri, Delhi muna ana kigong chu lolhing tah in 30th June 2017 nin anakichai e.KBC represent din Rev. Kamboi Chongloi, Men Secy, le Henkholen Kipgen, Devt Coordinator ana che lhon e. Hiche Training sung'in Resource Person mi thum(three) akon in " How to be an effective Trainer", "Climate Change and its effects" hiche topic ni hi Resource person ho akon'in kihil na akinei jin ahi. Pathen jal leh houbung mite taopeh najallin training chaithei na akinei in chubanleh dam-sellin akihung lhun thei kit jeh in Pathen thangvah na sangtah akipen ahi.

WORLD ENVIRONMENT DAY KIMANG



Vannoi pumpin aman bangin KBC in jong houbung tilchanin World Environment day anakimang in ahi. Pathenin Adam le Eve chu Eden honsunga theiga ho nea moh hinding hilouvin, Honlei boldinga anganse nathu bible a akimun hichun avetsah chu Mihemte hi anemai maidinga Pathen nin asem hilouvin avesuidinga jong asem ahi ti ahi. Hia kon chun Christian ten jong leiset damthei nading le asunga cheng ahingthei ho jouse damthei nadinga hin mopohna lentah aneije ti hatchet ahi. Leiset kisuh bohna jatchom chom ho a kon khahdoh a Christian minister hon jong World Environment gelkhoh a boipi ding khat ahung hina mudoh ahi in, houbung jousen hiche nikho hi nita gamle go thingle song chule gancha ahingthei jouse venbit ding le hinkhompinding hi Pathen tohgon khat ahi ti seiphong nan hiche nikho hi anaki mang in ahi.

KBC IN ACHEPI PATHEN THU le DINMUN. (One day seminar)

Kuki Baptist Convention Head office a kon kigong one day seminar chu Rev Ngamjapao Haokip, Rev Dr Hawlingam Haokip Chule Rev S.Prem Vaiphei Resource person hinan Rev.Kamboi Chongloi Men Department Secretary in co-ordinate abolin 10:30 am ahung lhah to lhonin Retd.Rev Chunglet Chongloi in taona amang in Centre Church New Lambulane Houinna houbung le gambih lamkai delegate 400 tabang pan nan phat pat ahitai.

Kuki Baptist Convention hina le din mun houbung mitehon kicheh tah a aheth a khonung le tahsan le kivaihomna ache hoi thei nadinga kigong one day Seminar chu Pathen lungaset in boina ima cha umlou vin damsel in akichai tai.



Convention lamkai mopo hina jallin Rev. Ngamjapao Haokip KBC General Secretary in key note address apen Tule tu KBC idin mun ule gelkhoh ding dei umho ti topic a houlimna anei jin KBC hung kiphudoh danle tua ache pi kivaihom na a aphadinga adeisah points ho tahlagna anei jinkhonunga phatchom na ding tampi ahin tahl-angin ahi. Hiche phattou nadia kikhel na hinpodinga houbung ho panlah ding danjong aseijin Constitution Revision phat le hiho hi semhoi dia phat sah na aneiho aphongdoh in ahi.

Jinglam 11:30 vellan anikhoa dia kigong Topic KBC CHEPI PATHEN THU ti topic a houlimdin Rev.S.Prim Vaiphei jin a phat ahin lo pan in ahi.

KBC ten Sunday ni jingka pathen houkhom na hi Devotion a kimang ahapon Morning Worship a kimang joh ahi tin mipite koma hilchetnan ahin pan in ahi.

Baptist Houbung hung kipat dan aseijin Ana Baptist hotoh kilona phabep umjong leh Baptist houbung le Ana Baptist houbung aki-jop mat na imacha aumloudan ahilchene. Tunia Baptist World Alliance (BWA) noia kikhailha Baptist te hi 17th Century kipat til vella English Puritan Movement a kon a hung umdoh ahi ati.

Vanoi ja thusei minthang Adoniram Judson chu Congregational Church a kon ahin, Luther Rice Congregationalist ahin, William Carey Anglican church akon, William Pettigrew Artington Aborigines mission a pathen natong anahin, Pathen lekhateng ahin simuva lunggel ahin neuva kon Baptist kiti houbung dihna le hoina hi ahimudoh uva Baptist missionary masa a hung pang u va Baptist Denomination hi vannoi hetthei tah houbung khat ahin hisah jalluva tahsa thu hihen lhagao thu hijong le kithang at um tah Houbung ihinao jong aseidoh in ahi.

Baptist te tahsan le chena lhongpi hilchetna aneijin Eschatology (ni nununglam thilsoh ding) thuhil a alutin ahi. Aman Eschatology le second coming of Jesus Christ chung changa hin Major Christian bodies hon thu amoh seiji pouvin seilou akhohnatah auma ahijongle ngaikhamna neitahin aseijiuve, Dispensational Pre-millennialist hon vang hung hiti ding hung khati ding ti in khonunga hung lhung ding thu ho chung chang in bible chang phabep asutou vin hang tah in aseijiuvun ahile houbung mihon jong hiche ho chu angainom kit un hiche chung changa hangtah a seilou ho chu ahelou vin eikoi ji taove, hiti chun mainline church ho tahsan dinmun chu seipohlou vin aumji tan ahileh ihoubung houvin jong Baptist te tahsan dinmun chu kicheh tah in ahagam ji tapouvin ahi. Dispensational Pre-millennialist ten Rapture thua pomdan aneihou hilchen na aneijin hiche thua amaho jong pomdan kibang louva group thum i.e. Pre Tribulation Rapture theory, Mid Tribulation rapture theory chule post tribulation rapture theory tia pomdan akibah lou nao jong ahil chen in ahi. Jesu christa leisetahung kum sang lenggam ahung tundohding thu hilchen na aneijin chule hiche chungchanga ngaidan kibah loudan ho jong ahil chen in ahi. Hiche kumsang lenggam chung chang a lungel kibah lou na ho lamkai masa hon phabep ananei jong leo vanoija tahsan cha atamjon hiche hi apomsoh in hijeng jong leh hiche thu jong hi ching thei tah in kidemdai tah in anasei jiu vin ahi ati.

Dispensational pre millennialism thuhil hi late 19thle early 20th Century a hung kipan bou ahin, thil thah beh khat ahijeh hin houbung sung thusim a ana pang phapon hijehchun Mainline church hon

hiche thuhil hi gelthupi in aneipouve tin jong ahil in ahi.

Nilhah nidan 2:00 velin Rev Dr HawIngam Haokip President KBC in aphot ahin kilon KBC DINMUN TU LE KHONUNG ti topic a KBC chena lhongpi kitah taha a juija khantou na lam ima nodiu vin ki-vaihom thudol hilchet na anei jin ahi. KBC in Motto a Unity Mission Service ineilonao ahilchenin chuin Khonung idinmun diu hoithei nadia iti pan ilah dingu ham ti thuguh eiseipeh un ahi.

Phat chainan Retd. Rev. Letsei Touthang in pathen henga taona amangin phat khumkha ahitai. Hiche programme lolhin na ding a ijakaija pan ilahpeh u Centre Church New Lambulane Pastorpa, Deconboard chule Ushers a eipenpeh u khanglai te chung a Convention thalheng in sangtah in kipathu ahung kiseijin ahi.

KIPA THUPHON

Achesa Date 10th June, 2017 (Saturday) nin KBC Gambih No.12 Men Department mopohna noiija Gambih An-ngol Taona Chakpi Molbem Baptist Church mun'a Gamsung sunga Pate mi 73 pan nan agomin mi 374 in lungluttah in Pathen kom'a taona items 22 ho a konin taokhomna ana kineijin ahi. Main Speaker in Rev. Tonglal Haokip, Pastor KBC No.12 apangin, taona ding Hall le amun Thensona Pa Pathen, Chapa Pathen, Lhagao theng Pathen minin aneijin tilkhouna ngeitah jong eisei peh uvin ahi. Taokhomna lamkai in Pu Thenkholal Haokip, Men Dept. Chairman apangin, taona item ho a tilkhouna thu Pu Hemkhomang Mate, Ex-Chairman, Pu Thongjakhup Haokip, Gambih Chairman, Pu Haolet Mate, Gb. Treasurer, Pu Lunkholal Haokip, Gb. Secy. Pu Limjathang Haokip, MB Chairman, Evan. Prem Kumar leh Pu Khipkholet Haokip, Ex-Secy. ho in tilkhouna ngeitah tah eisei peh jal uvin achung cheh uvah kipathu kahin seijin ahi. Chuleh khonei Houbung mite ho a konin Hall kitup tah in eisah peh uvin, touna ijakai kitup tah in eibol peh uvin a chung chonin Haosapu Pu Thongkholet lamkainan Houbung mite hon taokhomna ahung pang ho jouse cha le neh thei tuitah in eidonsah, eineh sah uvin achunguvah Gambih Men Dept. thakhel in kipathu sangtah in kahin phongin ahi. Pathenin houbung mite ho jouse phatthei boh jing taohen chuleh taokhomna a hungna dinga Gari hintoh ho chule ahung pang ho jouse chungah kakipana kahin phong doh in ahi.

Thenkholal Haokip, Chairman, Men Dept. KBC No.12.

GEC KBC No 12

HON LONPI KHO A TOSETNA TOH HO VILNA

Achesa Dt 30/5/2017 (Tuesday) nikhoa huise (Cyclone) in Lonpi kho in asuhsetna chungah, Gambih no. 12 Houbung miten kithopina akibollin, akiboldoh kham kham ho chu Dt 16/6/2017 (Friday) nin Rev. Tonglal Haokip, Gambih Pastor lamkai nan Gambih lamkai hotoh vilna akineijin kithopina kibol kham kham ho chu pehdoh naleh taopeh na akineijin ahi. Chuleh Houbung lamkai hon kipah in einangah uvin, huijin asuhset inho akiven chujouvin, lonpi kho dalhan ahung kikile tai. Pathenin panpina jokham kham a hinbol Houbung mite ho makho ah Phat thei boh jing taohen. Kakipah e

Pakaiya natohkhompiu

Mr. Lunkholal haokip
Secretary, KBC No. 12.

PATE NGAILUT CAMP REPORT KBC No 4



Pathen panpina jallin KBC Gambih No.4 Centre Church, Salem village Sapormeina munna Pate Ngailut Camp Dated 23-27, May lhasungin ana kibollin ahi. Evan. Paolet Haokip Main Speaker ahin, Camp Director Rev. Mangpithang Haokip, Pastor Gambih No.4 le Centre Church Pastor Rev. Ngulpao Haokip Counsellor hinan ana kibolle. Camper mi 100 lang ahung pangin mi 77 in hinkho kikhelna anei uto lhonin Speaker ho le Camper ho jouse chngleh adeh a hinkho kikhelna thah nei Pate chungah KBC Thuso mangchan Gambih Mission Board in kipana seijoulou ahin kiphongin ahi.

Mission Board
KBC Gambih No.4.

KIPA THUPHON

KBC Gambih No.16 Men Department One Day Unity Conference Meet 2017 Date 10th June, 2017 Nikhon Senam Houbunga lolhingtah in akichai tai.

- Conference Speaker : Rev. D. Doungel,
KBC Centre Church, Molnoi Area
- Conference Ponlap khaidohna : Pu Lenboi Singsit, President,
Men Department, KBC.
- Conference Ponlap khailhahna : Rev. Kamboi Chongloi,
Secretary, Men Dept. KBC.
- Conference Kin Thempu : Pastor Mangjapao,
Gambih Pastor KBC No.16.
- Conference VIP : Mi 7 ahung page
- Conference Gambih Haosa ho : Mi 12 ahung pange.

Tuchunga Men Department One Day Unity Conference Meet a ahung kikhom jat mi 177 ahung lhinge, tu chung a Senam Houbung mite hatna jalla Programme ho lolhingtah a kichai ahi, chule Gambih sunga VIP ho lungthim thepna jalla kimolso ahi. Chukit le Conference Committee ho jong hatah a pan alauvin amaho jalla hung lolhing ahi. Tuchunga One Day Unity Conference Meet 2017 chung a pan la jouse Pathenin mimal cheh in vang pejing taken, Amen.

Pu Thongpao Zou
Chairman, Men Department
KBC Gambih No.16.

S. KHUDENGTHABI BAPTIST CHURCH NUPA CAMP 2017.

Achesa 1-4 june 2017 nisungchun S.Khudengthabi Baptist church a Nupa Camp anakibol in ahi. Hia chun Speaker in Rev Henjalen Doungel Mission Secretary KBC le Nu Chinkholam Vaiphei apang hon in ahi. Delegates mi 120 vel aphan nithum sungin Pathen thua kihoulimnale nupa kikal a hinkhoman ding dan kihilnan phat akimang khomin ahi. Pathen mapuina jallin boina ima umlou vin kipah tahin programme chu anakichai jin ahi. Pathen thangvah in umjing taken.

Taonan geldoh ute India gama Christian te kisu genthehi na

May 19, 2017 Prayer Alerts

India gama Christian kisu genthehi na hi alha alhain achaljing in ahi. April lhasung sheh sheh chun thilsoh 68 anaume. Kum-suga tunichana Christian kisu genthehi na report hung kibol hi 316 alhinge tin Open Doors to kikhutjop houbung hon ahin-peovin ahi. Amahohin akitongkha miho toh akimutonao vakon report ahin peh u ahi.

April lhasunga mi 68 chung a thilsoh hung kisei ho hi atamjo thagama houjeha kivohna ho kisei na ahi. Hiche ho lah hin akitongkha chapang jaonan Pastor khat jong aluchang chema kikat na chule mitamtah khosunga kon kinodoh ho apang in ahi. Houbung tapi akinokhumin tapi moltum le chemhem mang in akibulun ahi. Hitabang chaval na neiho chun Dan pi akicha pouvin chule police jeng jong kichat na aneipouve. Amahon hitia Christian ho asuhgenthei tengule hin lhang-phong tahin India hi Hindu gam ahin Christian ten hindu ho Christian hisah nading thanei na aneipouve tin asam jiuvin ahi. Hljeh chun India gamle asunga cheng amite Christian hihen hihih jong le chamdella achen khom thei nadin taonan geldoh jing u hite.

“Transforming India into a Hindu Nation”

Mar 29, 2017 Open Doors

Yogi Adityanath Uttar Pradesh a Chief Minister thah pa hin India hi Hindu state dih tah khat sona din hatah in angaiton ahi. Amahi gamsunga jatle nama kiboina thei natoh boljing a anakisei peh khat ahi. Hindu sakho a ‘Gorakhnath monk’ khat ahi. Amahi 2005 apat a Hindu hilou gammi ho chung a khan-setna lama analam kaipah ahitai.

Kum 2016 a chun gamsunga Christian kisu genthehi jat chu 443 anahin tukum 2017 kum January a pat April chanin 316 alhing jou vin ahi.

Hiche hin avetsah chu India gama hin Christian te hi musit in aumin Hindu hilou houjouse hi suhmang a Hindustan dih tah khat semdoh ding ti hi Hindu houlamkai ho lung gel ahin,

chule Political lamkai hon tohdoh nading a aboi pi pen u chu ahi. Taonan hapan jingu hite.

Foreign:-

Pastor Zhang Shaojie of Nanle Country Christian Church, Henan Province China hi kum 12 sung songkul tangdia 2014 kuma pat hung kihen oh ahitai. Akibolgim val jeha hingmai mai ahitai akiti. Ama kingoh nachu ahile 2014 kuma mipi tampi atitkhoma thuboi ja pang ahi tijeh ahi. Ahinla houbung miho geldanin amahi migenthei minoinung ho apanpijeha a bolgimna chang ahi tin atahsan un ahi.

Local:-1.

Leplen Area Evangelist B. Kamal Tamang Garineo Accident a akeng veilang kisukha.

2. Asohika Limbu, Rebecca Tamang, Aarti Gurung, Serjana Rai, Rajesh Tamang le Ramesh family hi tahsan thah ahiuvin tu naicha a chu Tuilut ahiuve taonan geldoh u te. -Rev. Jeeten Gajmer

3. Mr Aman le Mr Ratan tahsan thah ahilhona-Evan. Khupthang.- Pukhao

4. Hindi Baptist Church member thah hunglut beho Robin Thapa, Precilla, Salome, Jayanti, Diliram, Arjun, Vivek chule Asish -Rev. Mohanlal

TAONA NGAICHAT

Nu Nengneikim Touthang W/O Pa Jamthang Touthang Haolenphai Village, adamlouna hi Doctor ho sei dungjui le Result kimu dungjuijin Blood Cancer ahin, Tule tu hin RIMS Hospital a akijen in adamding hi kangaicha ma ma jengun, hijeh chun muntin'a um Houbung mithengte jousen lungset tah in taonan neihin geldoh peh leu chun ama dammo na hi Pathenin kidangtah a adamsah tei ding ahi ti tahsanna neipum'a kahung taovu ahi.

Keima Achapa tahpen,

Mr. Sholenmang Touthang @ Mangcha
Contact No. 8415814263.

S.Salem C/Church Pate An ngol Taona kimang



Salem Saikul C/ Church 1st Saturday pate angol taona 7am apat 3:30pm gei Pathen anga kisu nem pumin taona akimangin taona lamkai: Rev. K. Kilong, Pu Thenlam Haokip BD, Hahao Singisit BD, M.Div. apangun Pathen mapui najallin lolhing tah in nilhaha langin chadon khom na akinei jin lolhing tah in aki chai tai.

Salem C/C Saikul Houbunga Pate Nikho

Salem C/C Saikul Houbunga Pate Nikho loupi tah a kimang Salem C/Church Saikul pate nikho loupi tah in aki mangin ahi.. Jinkah nilhah speaker Rev. Kamboi Secy. Men Dept. KBC in Pathen thua eisuhallun ama le insungmite Pathenin phatthei oh taohen, chule sun ninjong competition la le adang dang nomtah in aki mangin ahi. Kikhenin houbungmi jousen ankong sokhom na aki neiyin Programme lolhing tah in aki mange. Pathenin KBC Men Department phatthei boh jing tashen!

Chairman: Jampao Secretary: Seineo

Pate Anngol Taona Chakpi Molbem Baptist Church

Pate Anngol Taona Chakpi Molbem Baptist Church a Kimang June Dt. 10 nikho chun Men Department Anngol taona Chakpi Molbem Baptist Church munna mi 374 pan nan Pathen mapui najallin lolhing tah in aki chai tai. Speaker Rev. Tonglal Haokip Pastor Gambih No. 12.

Youth Camp

Tintong Laijang Baptist Church, KBC No. 7



Pathen lungset na jallin achesa 29th June - 2nd July 2017 sun-ga hin Tintong laijang Houbung KBC No, 7 sunga Youth Camp anaum in ahi. Camper mi 64 ahin Pathen lungset in lolhing tah in akichaitan ahi. Speaker : 1. Rev. Lamkeng Lhouvum. 2. Evan. Thangboi Kipgen ahi Ihonin ahi. Pathenin Speaker teni amangcha Ihonin chate tampin hinkho kikhel na aneijun kipa aumlheh jengin ahi. Pathenin Houbung phat thei boh jing taken.

Pakaija nasopiu,

1. Pu Khupneh Haokip
Head Deacon

2. Pu Demmang Haokip
Secretary.

Sajal Baptist Church, KBC No. 7

Youth Camp lolhing tah a kichaita.

Achasa nisim 29th June - 2nd July, 2017 sung hin Sajal Baptist Church, KBC No. 7 Youth Camp aumin Pathen lungset in lolhing tah in akichai thei tan ahile Pa Pathen thangvah aume. Speaker a eipan peh uva: 1. Pastor Lunkholal Haokip, Pastor KBC No, 5. 2.



Pastor Lamkhogin Haokip, Pastor C/C Singat Thadou Veng, KBC No. 10. Pathenin Speaker teni kidangtah in amangcha lhonin khangdong tamtah in hinkho kikhel nale patchom nan aneijun kipa thu kahin phonge. Pathen in Houbung mithengte ho jouse phat thei boh jing jeng tao hen.

Head Deacon
Sajal B/Church No. 7

Khengjoi Houbunga Pate nikho

Khengjoi Houbunga Pate nikho loupitah a Kimang Khengjoi B/C KBC Gambih 13 ninjong June 18 nikho chun Pate nikho loupitahin ana kimang in ahi. Pate mi tampin kithah sem nale kilung khat tah a pan lah khom ahi thei nadingin tilkhouna



thu tampi aki ngai lhan ahi. Pathen nin Khengjoi B/C pate jouse phatthei boh henlang Pate kilungkhat nale kipum khat ahi thei nadingin muntin'a um houbung mite jouse taona jong aki ngai cha jinge. Ahung lhung ding 2018 Pate nikho imu kit kah seovin Pathenin damnan eimapui jing tao hen!

KHO Weds VAVAH



*Pastor Onkho Haokip le Dr. Nemneivah Haokip
29th July, 2017 nikhon Centre Church New Lambulane mun ah
Rev. Ngamjapao Haokip Thempu hina in akicheng lhontai.
Christian Insung khat asemkhomna lhon ah
Pathen in Phatthei bohjing lhon taken.*



*Salem C/Church Saikul pate nikho
loupi tah akimang, speaker
Rev. Kamboi Secy.
Men Dept. KBC*



Pate nikho molphei Gambih No. 12

Post Regd. MNP/81
Regd No. 18134/88



**KBC kumkim sumle pai vetchilina (Audi)
July 3 akon in akipan tai.**



If undelivered, please return to
The Editor. KBC Thuso
KUKI BAPTIST CONVENTION
Opp. DM College, Imphal - 795 001
Contact: 9862633173